

KANGAATSIAQ

- **Inuussutissarsiutunik ineriartortitsineq**

Kangaatsiap eqqaani aalisarneq piniarnerlu inuunermut annertuumik ilaapput, tamaanilu, aalisarnerup, ammit, tunisassiornerullu ineriartortitsivigineqarneri, annertuumik pingaartinneqarput. Taamaattumik kommuneplanikkut, illoqarfimmi tunitsiveqarnerup tunisassiorfeqarnerup kiisalu umiatsianik iluarsaassisarfiit, orsersortarnermilu periarfissat annertusaaffigineqarsinnaaneri, qulakkeerneqartariaqarput.

Sumiiffimmi takornariaqarnerup ineriartortinneqarnissaanik kissaatigineqartut, matumani piniariartitsineq, asimi (nunaminertat K) unnuiffiusinnaasunik periarfissiinikkut, angallanneqarnermilu periarfissanik naleqquttunik kulturimut sammititanik, tapersorsorneqassapput. Inuussutissarsiornermi periarfissat nutaat nukittorsarneqassapput, assersuutigalugu kangerluup iluani (nunaminertat M) nunaminertanik, nunalerinermi misileraanernut atugassanik, tuniussaqaarnikkut.

Aammattaaq nunaqarfinni aalisarnermi piniarnermilu pissutsit, tamatigoornerusunik tunisassiorfeqaarnikkut, pitsanerusunillu atugassaqartitsinikkut, nukittorsarneqarnissaat kissaatigineqarpoq, tamakkualu periarfissaqarput takornariaqarnerup piniarnermik inuussutissarsiummik aallaavilerlugu, inerisarneqarneratigut.

- **Ilinniartitaaneq**

Sumiiffimmi, meeqqat inuusuttullu naammaginarfumik ilinniaqarnissaat anguniarlugu, sinaakkuttat avatangiisaasut, ataavartumik pitsanngorsartuarneqarnissaat, pingaartinneqartariaqarpoq, ungasianiillu ilinniartitsinermut, kiisalu sulisitsisuni ilinniaqarnissanut periarfissat, misissorneqarlutillu tapersorsorneqartariaqarput. Peqatigisaanillu Kangaatsiaq angissutsini tungavigalugu, illoqarfiit qaninnerusut ilinniagaqarfiinik atuartunullu inissiaateqarfiinik, suleqateqartariaqarpoq.

Minnerunngitsumik nunaqarfinni, meeqqat atuarnerannut atatillugu silami sussaqaartitsivinnik pisariaqartitsisoqarpoq, assersuutigalugu, pinnguarterfinnik, arsaleriffinnik il.il., atuarfiit sulinerannut pingaaruteqarluinnartunik.

- **Inoqarfiit aamma inigisat pitsaasut**

Innuttaasut, illoqarfinniikkunik nunaqarfinniikkunilluunnit, peqqissuullutillu toqqissimasumik inuuneqarsinnaasariaqarput. Kangaatsiami illut amerlanersaat tassaapput ilaqutariit illui akuttullutik inissisimasut, nunaminertallu pioreersut iluini illoqarfiup ineriartornera ilutigalugu nutaanik sanaartornermi, periaatsip tamatuma ingerlannaarnissaa periarfissaqartinneqassaaq, taamatullu illut pitsaasuunissaat attatiinnarniarlugu, iluarsartuussisarnissaaq isaterisarnissarlugu, pisariaqarput. Utoqqaat amerliartorput, nunaqarfinniillu utoqqaat nuuttarput. Innuttaasut pitsaasumik utoqqalisinnaaqqullugit, illuliorfioreersimasut iluini, nunaminertanik immikkoortitsisoqartariaqarpoq, illunik utoqqarnut naleqquttunik pilersitsiviusinnaasunik

Nunaqarfinni pingaaruteqarpoq illoqarnermi pissutsit sammissallugit, illulunneq nutsernermut pissutaalissanngippat, akerlianilli siammasissumik nunaqarfimmiutut kultureqarneq attatiinnarneqassappat. Pingaartumik Attu-mi illut inoqanngitsut amerlapput, siunertanut allanut atorneqarsinnaagaluartut isaterneqarlutilluunniit, nunaminertallu illuliorfigineqarsimasut tamatumunnga naleqqussarlugit.

- **Kulturi kinaassuserlu**

Kommunip, kulturimi ingerlatat pitsaasumik sinaakkutaqarnissaanik qulakkeerinninnissamik anguniagaa, naammassineqarsinnaavoq, sunngiffimmi ingerlatanut, naapittarfinnullu pitsaasunut, nunaminertanik tunniussisoqarneratigut. Kulturi ineriartortinneqartariaqarpoq atuarfimmut, meeqqanut, inuusuttunut, utoqqarnullu attuumassuteqartillugu, aaqqiissutit tamanit atorineqarsinnaasut, ingerlatallu ataatsimoortinnissaat, pingaartillugit.

Piniarneq, qimusserneq, pinngortitamiinneq, kiisalu kusanartuliorneq sanalunnerlu, tassaapput sumiiffiit ilisarnaataat pingaarutillit. Tamakkualu aamma siunissami inissaqartinneqartariaqarput, sannaveqarnikkut, qimmiliveqarnikkut, aqqusineeqqatigullu il.il., innuttaasunut takornarianullu iluaqtaasumik. Pingaartumik nunaqarfinni ingerlatanut pineqartunut, pitsaasunik sinaakkutaqartitsinissaq, nangittumik pingaartinneqartariaqarpoq.

- **Toqqissisimaneq inuunerinnerlu**

Kulturi, toqqissisimaneq pinaveersaartitsinerlu Kangaatsiami imminnut atalluinnartuupput. Pinaveersaartitsinerlut, ataatsimoorullugillu ingerlatanut, silami illullu iluani periarfissat amerlanerusut, ataatsimuulersitseqataallutillu illoqarfimmi toqqissisimanermik pilersitsissapput, ilanngullugulu tamatuma eqqaani piumassutsimik ingerlatsinissanut amerlanerusunut tunngavissaqalersitsissallutik.

Aammattaaq nunaminertanik, assersuutigalugu makkununga atugassanik, qulakkerinnittoqartariaqarpoq, innarluutillit naapittarfii sannaviilu, utoqqarnullu tunngatillugu assersuutigalugu makkununga, utoqqaat najugaqarfiisa allinissaannut periarfissat, ulluunerani sullissiviit, innuttaasunullu immikkut ittumik paaqqutarineqarnissamik pisariaqartitsisunut angerlarsimaffiit.

Ingerlatsiviit assigiinngitsut assersuutigalugu sannaviit inillu ataatsimoortarfiit, pingaartumik nunaqarfinni, illu sullissivinni nunaqarfiillu allaffiini, kivinneqarnissaminnik pisariaqartitsivioersuni, ataatsimoortinneqarsinnaapput, taamaalillutillu nunaqarfiup innuttaanut ataatsimoortarfinngorlutik.

- **Peqqissuseq pinaveersaartitsinerlu**

Ilaqutariit pitsaasumik inuuneqarnerat, meeqqat inuusuttullu inuunerminni pitsaasumik aallarteriarfeqarnissaanut, pingaaruteqarluinnarpoq. Inulerinermi sullissivinnut inissaqarluartariaqarpoq (ulluunerani unnuakkullu), ilaqutariit illuat, ilaqutariit højskoliat il.il. Ataatsimut isigalugu siunertanut ataatsimoortitsinissamik imalinnut nunaminertanik qulakkeerinnittoqartariaqarpoq, illullu inilluunnit pioreersut atorineqanngitsut, innuttaasut toqqagaat, atorineqartariaqarput. Periarfissat silamiittut, timi atorlugu ingerlatsivigissallugit, orniginartuusariaqarput, illoqarfiup immikkoortuini ataasiakkani illoqarfillu tamakkerlugu.

Nunaqarfinni nunaminertanik pitsaasunik immikkoortitsisoqassaaq, soorlu arsaattarfinnut, peqqissaanermillu suliaqartut init suliffigisaat, sulisunut innuttasunullu, orniginartuussapput.

- **Angallannermi periarfissat pilersuinerlu**

Kommunip angallannermi periarfissanik ineriartortitsinera, inuussutissarsiutit ineriartornerannut innuttaasullu periarfissaasa pitsanngorsarnerinut, ingiaqataatinneqartariaqarpoq. Kangaatsiami piniarneq, aalisarneq takornariaqarnerlu eqqarsaatigalugit, talittarfiup pittuttorfiusinnaasullu pitsanngorsarneqarsaat pillugit misissuisoqartariaqarpoq. Aammattaaq aqqusernit arlalitsigut pitsanngorsartariaqarput. Illoqarfiup eqqaani mittarfiliornissamut periarfissat misissorneqassapput, tamannalu pereerpat sumerpiaq inissinneqarnissaa ilusilersornissaalu, kiisalu nunaminertap tunniunneqarneranut atatillugu aqquserniornissaq, aamma Nuna Tamakkerlugu Pilersaarusiortarfik suleqatigalugu sukumiisumik pilersaarusiornissaq, isumagineqassapput.

Aammattaaq nunaqarfinni pilersuineramik pitsanngorsaaneq, matumani imermik pilersuineq eqqiluisaernerlu, sumiiffinni pisortat ingerlatsiviini sulisussanut ilinniarsimasunut, pilerinarnerulersitsissutaasinnaapput, inuussutissarsiutinillu inerisaanissaq pitsaanerusunik periarfissaqartilerlugu. Assersuutigalugu Niaqornaarsummi helistop-iliornissap siuartinneqarnissaa kissatigineqarpoq, qiterpasinnerusumut inissillugu, tenikkikkullu pilersuinermi aqqusernit iluarsarneqartariaqarput.

- **Silap pissusaa, avatangiiseq pinngortitarlu**

Kangaatsiami nunaqarfiinilu imminut nammattumik eqqaavilerineramik aqqiissoqarnissaa pingaaruteqarpoq, ulluunerani unnuakkullu eqqagassat ajornartorsiutaasarmata. Sumiiffiit ilaanni eqqaavissuit nuunneqassanersut nalilersuffigineqartariaqarpoq (soorlu Kangaatsiami Ikerasaarsummilu), imaluunnit aqqiissutissanik pissutsinut naleqqunerusunik atuilarluni. Taamaattumik nunaminertanik tuniussinissaq qulakkeerneqassaaq, eqqaavilerinerup aqqiissutissaanut aamma qitiusumik tigooraavinnut/eqqakkanik immikkoortitserisarfinnut atugassanik.

Tamaani najugallit pinngortitamiissinnaaneq pingaartitaraat periarfissatullu isigalugu. Taamaattumik asip pilersaaruserfigineratigut, pinngortitap atorneqarnera illersorneqarneralu, qulakkeerneqassapput.

- **Suaasaniit kingornussarsiat allanngutsaaliuinerlu**

Kulturikkut kingornussaq uumasooq, piniarneq assassornerlu, illoqarfimmi nunaqarfiinilu innuttaasunut pingaaruteqarpoq. Tamanna iluaqutaasumik atorneqarsinnaavoq, takornariaqarnermi, ulluinnarni inuunermi, illoqarfimmilu ingerlaatsimut atatillugit. Illut eriagisarialittut isigineqarsinnaasut, illoqarfiup nunaqarfiillu iluini pissutsinut nutaanut atorneqarsinnaaneri, isumaliutersuutigineqartariaqarput.

- **IT, tamat oqartussaaqataanerat oqaloqataanerlu**

Illoqarfiup mikinerata pisariaqartippaa, illoqarfinnik eqqaamiorisanik suleqateqarnermik pissusissamisoortumik annertusaanissaq, soorlu Aasiat Qasigiannuillu. IT atorlugu, aamma ungasissumiit atuartitsineramik pilersaarutit pioreersut, tapersersorneqartariaqarput. Kommuneplani digitaliusooq tassaalersinnaavoq inoqarfinni attaveqaqatigiinnermi sakkoq pingaarutilik, oqaloqatigiinnermi aamma ineriartornissamut pilersaarutininik saqqummiussuinermi, kiisalu suliniutit ataasiakkaat kommunip anguniagaanut sukkut attuumassuteqarnerisut pillugit.